

Puni naziv Preduzeća: Javno preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva „SARAJEVO“ društvo sa ograničenom odgovornošću.

Skraćeni naziv Preduzeća: JP "SARAJEVO" d.o.o.

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), na osnovu članova 26., 27. i 28. Statuta Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva "Sarajevo" društvo sa ograničenom odgovornošću (IP „SARAJEVO“ d.o.o.) broj SP-S/17 od 29.03.2017. godine (Službene novine Kantona Sarajevo broj 13/17), Skupština JP "SARAJEVO" d.o.o. raspisuje:

JAVNI KONKURS za izbor i imenovanje predsjednika i dva (2) člana Nadzornog odbora JP "SARAJEVO" d.o.o.

I OPIS UPRAŽNJENE POZICIJE

Javno se oglašava izbor i imenovanje Nadzornog odbora JP "SARAJEVO" d.o.o. koji se sastoji od predsjednika i dva (2) člana.

Nadzorni odbor nadležan je da:

1. Nadzire poslovanje Preduzeća;
2. Odobrava pojedinačne odluke strateškog karaktera;
3. Usvaja Izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije;
4. Podnosi Skupštini godišnji izvještaj o poslovanju Preduzeća koji obavezno uključuje finansijski izvještaj i izvještaje revizora, Nadzornog odbora i Odbora za reviziju;
5. Daje mišljenje Skupštini Preduzeća o prijedlogu uprave za raspodjelu dobiti;
6. Predlaže način pokrivanja gubitka;
7. Odobrava kupovinu, prodaju, zamjenu, uzimanje lizinga i kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine Preduzeća po bilansu stanja na kraju prethodne godine;
8. Predlaže Skupštini kupovinu, prodaju, zamjenu, uzimanje lizinga i kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine Preduzeća po bilansu stanja na kraju prethodne godine;
9. Priprema i predlaže Etički kodeks i druge akte koje usvaja Skupština Preduzeća;
10. Donosi Poslovnik o radu Nadzornog odbora;
11. Vršiti izbor kandidata Odbora za reviziju i podnosi prijedlog za njegovo imenovanje Skupštini Preduzeća;
12. Razmatra provedbeni propis za postupak nabavke i nadzire njegovo provođenje;
13. Imenuje i razrješava Upravu-direktora Preduzeća;
14. Daje upute direktoru za provođenje preporuka, mjera i aktivnosti u vezi sa uočenim nepravilnostima;
15. Izvršava dužnosti iz člana 19. Zakona o javnim preduzećima u Federaciji Bosne i Hercegovine;
16. Daje pisano ovlaštenje za aktivnosti koje su ograničene na osnovu člana 42. Zakona o javnim preduzećima u Federaciji Bosne i Hercegovine;
17. Drugim pitanjima bitnim za poslovanje Preduzeća.

Svi kandidati moraju ispunjavati slijedeće opće i posebne uslove.

II OPŠTI USLOVI ZA POZICIJU PREDsjedNIKA I ČLANOVA NADZORNOG ODBORA

- a) da su stariji od 18 godina, a mlađi od 65 godina na dan imenovanja;
- b) da su državljani BiH i da imaju prebivalište u BiH;
- c) da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije;
- d) da se na njih ne odnosi Član IX 1. Ustava Bosne i Hercegovine;
- e) da nisu osuđivani za krivično djelo i za prekršaj nespojiv sa dužnošću u Nadzornom odboru, pet godina od dana pravosnažnosti presude, uključujući vrijeme zatvorske kazne;
- f) da nisu lica kojima je presudom suda zabranjeno obavljanje aktivnosti u nadležnosti Nadzornog odbora;
- g) da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine;

- h) da nisu članovi Uprave ili Odbora za reviziju J.P. "SARAJEVO" d.o.o.. radnici JP "SARAJEVO" d.o.o. niti da imaju direktni ili indirektni finansijski interes u J.P. "SARAJEVO" d.o.o.

III POSEBNI USLOVI ZA POZICIJU PREDsjedNIKA I ČLANOVA NADZORNOG ODBORA

- i) univerzitetska diploma VII stepena stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja iz ekonomskih, tehničkih, pravnih, društvenih ili prirodnih nauka;
- j) najmanje tri godine radnog staža u struci nakon sticanja univerzitetske diplome, odnosno, visokog obrazovanja.

IV MANDAT I DRUGI USLOVI

Nadzorni odbor sastoji se od predsjednika i 2 člana koje imenuju i razrješava Skupština Preduzeća na period od 4 godine, sa mogućnošću ponovnog izbora više puta bez ograničenja. s tim da u periodu od dvije godine od dana imenovanja. Skupština Preduzeća glasa o povjerenju predsjedniku i članovima Nadzornog odbora.

Skupština Preduzeća u Odluci o imenovanju predsjednika i članova Nadzornog odbora utvrđuje iznos i način isplate naknade za rad u Nadzornom odboru Preduzeća.

Konstituirajuću sjednicu Nadzornog odbora saziva predsjednik u roku od 15 dana od dana imenovanja predsjednika i članova Nadzornog odbora.

Kada se ne razrješava cijeli Nadzorni odbor predsjedniku ili članu ili članovima, koji su imenovani umjesto razriješenog/razriješenih, mandat traje do isteka mandata predsjednika i članova Nadzornog odbora koji su imenovani prilikom imenovanja cijelog Nadzornog odbora, a nisu razriješeni.

Konkursnu proceduru izbora i imenovanja predsjednika i članova Nadzornog odbora provodi Konkursna komisija koju imenuje Skupština Preduzeća.

Konkursna komisija vrši uvid u pristigle prijave kandidata te na osnovu ocjene ispunjenosti propisanih opštih i posebnih uslova formira uži izbor kandidata.

Kandidati koji uđu u uži izbor, bit će pozvani na intervju.

Kandidat sa kojim se ne stupi u kontakt u roku od 5 (pet) dana od dana isteka roka za podnošenje prijave smatrat će se da nije ušao u uži izbor kandidata te se njegova prijava neće dalje razmatrati.

Na osnovu uvida u dostavljenu dokumentaciju i obavljenog intervjua s kandidatima koji su ušli u uži izbor Skupština Preduzeća donosi Odluku o imenovanju predsjednika i dva (2) člana Nadzornog odbora.

Protiv Odluke iz prethodnog stava žalba nije dopuštena, ali se može pokrenuti postupak pred nadležnim sudom.

V SPISAK POTREBNIH DOKUMENATA, ROK I MJESTO ZA PODNOŠENJE PRIJAVA

Kandidati su dužni, uz prijavu, koja sadrži biografiju s kratkim i preciznim pregledom stručnog obrazovanja, profesionalnih aktivnosti i radnog iskustva, te adresu i kontakt telefon, priložiti originalne dokumente ili ovjerene kopije dokumenata ne starije od 6 mjeseci i to:

- Uvjerenje o državljanstvu BiH;
- CIPS-ovu prijavu;
- Diplomu o stručnoj spremi;
- Uvjerenje o radnom stažu;
- Izjavu pred nadležnim organom uprave o ispunjavanju uslova pod tačkama c., d., g. i h.;

Kandidat koji prođe izbor dužan je dostaviti uvjerenje da nije osuđivan za krivično djelo i za privredni prestup nespojiv sa dužnošću u Nadzornom odboru 5 godina od dana pravosnažne presude uključujući vrijeme zatvorske kazne, da nije lice kojem je presudom suda zabranjeno obavljanje aktivnosti u nadležnosti Nadzornog odbora, kao i uvjerenje o nekažnjavanju.

Rok za podnošenje prijave na Javni konkurs je 15 dana od dana objavljivanja. Javni konkurs će se objaviti u najmanje jednim dnevnim novinama koje se distribuiraju na području Federacije Bosne i Hercegovine i na web stranici Preduzeća.

Prijave sa traženim dokumentima potrebno je dostaviti lično ili preporučenom poštom na adresu:

JP „SARAJEVO“ d.o.o.

Ul. Brodac br. 1 — Zgrada Vijećnice

71 000 Sarajevo

Na koverti Obavezno naznačiti "Prijava na Javni konkurs za izbor i imenovanje predsjednika i dva (2) člana Nadzornog odbora JP „SARAJEVO“ d.o.o. — "NE OTVARATI" sa obavezno ispisanim imenom i prezimenom te adresom kandidata na poleđini koverta.

Preduzeće nije obavezno vraćati dokumentaciju dostavljenu uz prijavu, osim u slučaju priloženih originalnih dokumenata.

Preduzeće ne snosi nikakve troškove koji mogu nastati po osnovu prijave kandidata na ovaj konkurs.

Neblagovremene i nepotpune prijave neće se uzeti u razmatranje.

Predsjednica Skupštine preduzeća

s.r. Arijana Huseinović-Ajanović